



Unioni de is Comunas de su Partiolia e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiolia/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Crèsia de Santu Giorgi Obispu



S'agatat in Donori sa crèsia de Santu Giorgi Obispu, pesada in su Cincuxentus, de stili romànicu, cun tres naviadas e is capellas afriscadas cun pinturas particularis. Dedicada a Santu Giorgi su primu obispu de sa Dioecesis Suellensis, mortu su 23.04.1117.

Indiritzu Bia Luigi Einaudi, 6, 09040 Donori SU, Itàlia

Sa Crèsia parrochiali de Donori est dedicada a Santu Giorgi, Obispu de Casteddu e patronu de sa bidda.

Sa fraigadura est de su cumintzu de su de XVII sèculus, candu sa bidda de Donori dd'iant torrada a fraigai a pustis de un'inundamentu chi iat sciuciau totu sa bidda.

Sa strutura in su tempus at ariciu mudàntzias e amanniaduras. In su tempus originàriu su fàbricu fiat a naviada ùnica cun contraforti mannus a is ladus, una capella dedicada a su patronu e unu presbitèriu piticu. Sa turri campanària oi est inserrada in su fràigu e amostat un'arrellògiu in sa parti de pitzu. Sa crèsia imoi tenit una naviada mesana e seti capellas a is ladus, cuatro de una parti e tres a s'atra parti, fatas in mesu a is contraffortis e cun sa bòveda a carrada, francu cussa de Santu Giorgi, chi tenit sa bòveda a ingruxadura. Fait a biri unus cantus afrescus a intru de is capellas e bàsciurilievus piticus postus in is murus.

Sa de tres cidas de abrili si fait sa festa po Santu Giorgi Obispu, patronu de Donori. Is alabàntzias ddas faint cun sa brufessioni e sa sfilada in bestiri sardu, sighia de spetàculus musicalis e fogus de guetus. Sa crèsia de Santu Giorgi est protagonista sa de tres cidas de cabudanni puru, candu ddoi funt is alabàntzias po sa Madonna de Sa Defenza. Custa borta sa stàtua de sa Santa, allogada innoi, beni liada in brufessioni in sa crèsia de sartu dedicada a Issa, aundi a at a aturai po tres diis a innantis de torrai a palas in sa crèsia parrochiali.